

E BON NOTICIA

Marco 6, 7-13

"El a yama e diezdosnan cerca Dje y a cuminza manda nan sali dos cu dos. El a duna nan poder ariba spirito impuronan y a taha nan pa no bay cu nada otro pa na caminda cu solamente un garoti: ni cuminda, ni saco di biaha, ni placa di koper den nan faha. Sambarco si boso por bisti, ma no bisti dos bisti. Luego E dici: Si cualquier caminda boso ta dreña den un cas, keda eynan te dia boso ta bay. Y sin tin un caminda cu nan no ta ricibi boso y no ta tende boso, bay for di eynan anto y sagudi stof di boso pia como un testimonio contra nan. Nan a sali bay predica cu hendenan mester comberti. Nan a saca hopi diabel, unta hopi hende malo cu azeta y cura nan."

REFLEXION

E discipulonan ta haya un mision, un tarea. Nan mester bay practica awor loke nan a mira, loke nan a tende y loke nan a siña di Hesus. E parti mas pisa di nan escogencia pa sigui Hesus a cuminza: bay proclama loke Hesus a siña. Esaki ta sumamente dificil den temponan moderno tambe. Nos no tin problema pa scucha e Palabra. Nos ta acepta e Palabra y hasta nos ta inclina, pa na cierto forma, kere e Palabra. "Mi ta kere den Dios" nos ta bisa tur ora. Pero ora yega e parti di cumpli cu e mision, cu ta mucho mas cu scucha y tene pa nos mes, e problemanan ta cuminza.

E ora e palabranan "mi ta kere den Dios" no ta suficiente. Nos fe mester bira bibe, pasobra nos mes mester ta convencido di loke nos ta bay pasa na otro. Nos mester kere den e sentido di mas profundo, cu por existi. Kere ciegame loke otronan tin problema pa acepta. Nos mester por basha abao e argumentonan sin fondo, cu nos mes tin of cu ta worde usa pa otro y cu ta demostra cu e fe den loke ta worde predica, no ta existi.

Pa cumpli cu e mision, cu cada hende cu ta yama su mes Cristian tin enfrente esnan cu ta rondona: su familia, su amigonan, su comunidad, nos mester sali di viahe espiritualmente. Laga atras razonamento di mundo y cuminza mira nos tareanan den luz di fe. Nos bista mester ta dirigi ariba mañan, e futuro despues di mundo, cu ta e base di Cristianismo. Pa esey por socede, nos mes mester comberti pa despues yuda otronan comberti. Comberti kier meen, cu dos bisti no tin significancia mas; cu placa di koper no ta bo objetivo di bida mas. Cu bo ta core du e spirito impuro, cu cada biaha ta hala bo atencion ariba material.

Cu fe ciego, bo ta duna Dios e alabanza mas grandi: reconocE como Dios Todopoderoso, cu tur poder, tur gloria. Na e momento bo ta bira lomba pa esnan cu ta resisti e Palabra sin problema. Bo no ta bay argumenta; bo no ta bay bringa cu nan pa convence nan. Nan falta di aceptacion ta bira e stof na bo pia, cu bo ta kita pa sigui cana, pa bo por cura bo ambiente, bo comunidad y bo mundo.

Polis lo a bisa cu no por Intentonan straño pa cambia ruta di parada

ORANJESTAD (AAN)-- Segun informacion, intentonan lo a worde haci pa na ultimo momento cambia e ruta di parada di mucha.

Segun fuentenan na haltura, Diavierna e dirigente di SAC lo

a pidi Promer Ministro pa pidi Ministro di Husticia pa laga Polis cambia e ruta di Parada.

Enbez di coy Wilhelminastraat, mester a sigui poco mas y subi Nassastraat. Kico e motibo

mester tabata, no a bira conoci.

E informe aki no por a worde confirma, pero e informantenan a bisa cu e plan a tranca, ora Polis lo a duna di conoce, cu no por cambia e ruta di parada mas!

Via Satellite C.S.S.

Naracion hopi malo di Lighting Parade

ORANJESTAD (AAN) E idea pa bende Aruba via transmision satelite ta hopi bon, pero mester bende den un forma profesional pasobra ta miles of miyones di televidente ta mira

Aruba via nan pantaya di television.

Caribbean Super Stacion (C.S.S.) di Aruba cu ta canal di television via Satellite Westar-5 channel 6 ta e planta di television cu ta bende Aruba turisticamente cu Merca, Canada y Caribbean. Diasabra ultimo C.S.S. a transmiti vivo y director Lighting Parade di Aruba Tivoli Club. E transmision riba su mes ta hopi bon, pero e comentaristanan a laga hopi di desea, simplemente nan tabata fatal pasobra nan no sa kico realmente e piesanan di e parada di luz ta representa y mas ainda nan tabata grita cada rato "Increible", "Increible" y ningun comentario riba e piesanan.

E parada di luz sin duda tabata precioso, pero e comentaristanan di C.S.S. no por a duna un splicacion exacto di loque ta pasa nan dilanti. Tabata un berguza grandi pa e televidenten local cu a mira e parada di luz via Westar-5 y a tende e comentario cu no ta cuadra, corda televidenten di Caribbean, Merca y Canada.

E comentaristanan ta comenta e parada splicando cos cu no tin nada di haci cu e piesa di e lighting parade.

No ta exactamente e comentaristanan mester carga e culpa, pero comision di carnaval Lighting Parade di Aruba Tivoli Club mester a entrega e comentaristanan e programa di parada di luz y duna nan un splicacion di cada grupo y piesa.

Ta di spera cu Diadomingo awor cu nan transmiti parada grandi di carnaval cu C.S.S. tin

comentarista cu conoce cultura y historia pa asina duna comen-

tario corecto na e televidenten.

FOR RENT

preferable on monthly basis

LUXURIOUSLY FURNISHED 2 bedrooms

two story condominiums

Appr. 1400 square feet.

Overlooking ocean (Eagle Beach)

Call 35054 Chalet Suisse Restaurant.

Curso di protocol - etiqueta.

Interesadonan por haya informacion yamando despues di 5' or di atardi na cas di Atan Lee, TEL 28087

E curso lo tuma lugar di 25 febr. pa 2 di maart.

playa linda
beach resort

The O.P.C. Department of Playa Linda Beach Resort is seeking for some

DYNAMIC OUTGOING CREATIVE PERSONS
for our day and night shift

If you have a interest, desire or motivation in this area or you are still at school but need some income?

Don't hesitate, call the Personnel Department for an appointment
TEL 31000 - ext 807 or 34046

DIARIO

22207 - 26747 35026

Wilhelminastraat
Tel.: 24088

Il Pescadores Restaurant
Italian - Seafood

We are open for lunch
(Buffet Style)
From Tuesday to Sunday.
Opening Hours:
12.00 to 2.30.
Price Buffet: \$ 10,00 P.P.
(All you can eat!!!)

Heineken
Special price